

CUSSEGL GROND

Sessiun da zercladur 2023

Dumonda Sgier concernent la surveglianza d'animals da rapina gronds tras la KORA

La KORA è ina fundaziun che s'engascha per l'ecologia dals animals da rapina ed il management dals animals selvadis. Tenor il concept Luf è la KORA incumbensada cun la surveglianza da la populaziun da lufs e cun l'analisa da cadavers da stgarps e cadavers da lufs. Ella surveglia pia il monitoring dals lufs e d'auters animals da rapina gronds sco er las analisas geneticas. La surveglianza suprema ha l'Uffizi federal d'ambient (UFAM) (art. 25 Lescha da chatscha; CS 922.00). L'Uffizi da chatscha e pestga (UCP) presta in grond dumber d'uras da servetsch che servan er a la KORA per tegnair actual il monitoring da la populaziun da lufs.

Malgrà il grond engaschament da las autoritads chantunals duran las analisas dal material da provas ditg. Las proceduras da permissiun per prelevaziuns da lufs che chaschunan donnas vegnan uschia ralentadas ed i regia in dischequilibr. Durant questa fasa è la protecziun da muntaneras numnadain gia massivamain sut squitsch, sch'il luf pertutgà na vegn betg prelevà svelt.

Trais collavuratur da la KORA èn a medem temp er commembers da la LCIE (Large Carnivore Initiative for Europe, per rumantsch: Iniziativa per animals da rapina gronds en l'Europa) ch'è vegnida fundada dal WWF l'onn 1995. Questa organisaziun s'engascha dapi trais decennis per la repopulaziun e la derasaziun dal luf, da l'urs, dal luf-tscherver e dal gulatsch sin il continent europeic. La KORA è ina fundaziun che vegn finanziada da diversas funtaunas.

En quest connex avain nus las suandantas dumondas:

1. È la Regenza al current davart la finanziaziun exacta da la KORA?
2. Paja il chantun Grischun ina contribuziun finanzia a la KORA?
3. Vegn la KORA er consultada, cura ch'i sa tracta d'equipar lufs cun emetturs?
4. Quant grond è il return d'emprovas da DNA senza in'evaluaziun utilisabla?
5. Ha il chantun Grischun er gia considerà auters partenaris per las analisas da DNA?

Claustra, ils 15 da zercladur 2023

Sgier, Roffler, Loi, Adank, Altmann, Brandenburger, Bundi, Butzerin, Candrian, Casutt, Cola Casaulta, Cortesi, Derungs, Gansner, Gort, Grass, Hefti, Hug, Lamprecht, Lehner, Luzio, Menghini-Inauen, Messmer-Blumer, Metzger, Rauch, Righetti, Salis, Schutz, Spagnolatti, von Tscharnier